

天下郡國利病書

四二

天下圖書集成

廣東下

備錄

廣東通志

徭獠



南蠻下要服一等。魯夷在唐虞，猶與之要質，故曰要服。蠻則頑于夷矣，以荒憬不可與語，故置諸荒服以遠之。夏商之時，漸為邊患，暨于周世，常衆彌盛。故詩曰：蠢爾蠻荆，大邦為虍。至楚王時，蠻與羅子共敗楚師，殺其將屈瑕。楚師復振，遂屬于楚。及吳起相悼王，南并蠻越，遂有洞庭蒼梧之地。按水經：沅水出武陵潭城縣北界沅水谷。水出辰州府黔縣，故潭城也。南至鬱林潭中縣，與郁水合。今謂之鬱溪。又東至蒼梧，為鬱溪。又東至高要縣，為大水。即今江。西蠻越之衆，自此踰嶺而居溪峒，分徭獠二種。徭乃蠻荆種，則舊越人也。徭本盤瓠之種，產於湖廣溪洞間，即古長沙縣中五溪之蠻是也。其後生

息蕃竹、南接二廣、右引巴蜀、綿亘數千里、椎髻跣足、衣班禰布褐、各習遠
近、依刀耕火種、食盡一山、則移一山、俗喜鬻穀、猜忍輕死、又能忍飢行關、
左腰長刀、右負大弩、手長鎗、上下山險若飛、戰則一弩一鎗相將、而前執
鎗者前、却不常以衛弩、執弩者口銜刀而手射人敵、或冒刃逼之、鎗無所
施、釋弩、取口中刀奮擊、以故度險整其行列、遁去必有伏弩、主軍弓手輩
與之角技藝、爭地利、往往不能決勝也、兒始能行、燒鉄石烙其跟、驅使頑
木不仁、故能履棘茨而不傷、其頑穢幼已成性、不啻如野獸、然喪葬則作
樂歌唱、謂之暖喪、其情乖戾可知矣

種性頗粗悍、露項跣足、花衣短襦、烏言亮面、自耕而食、又謂之山人、出胡
南溪洞、後稍入廣西、古田等縣、佃種荒田、聚衆稍多、因逼脅田主、占據鄉
村、遂蔓延入廣東、其初來尚以聽招名色、佃田納租、與徭人種類不同、時

相讐殺、有司及管田之家、頗賴其力、以捍徭人、及後勢衰、亦與徭人無異、肇高廉三府、與雷州之遂溪縣、廣州之新會、四會、清遠、藍連州、在二客有之、征之則同功、招之則致悔、於今誠有可慮者矣、

本朝洪武十二年、龍水縣徭人劉第三者、自元末為害、已非一日、是年復聚眾寇掠、朝廷命指揮劉備討平之、十六年、廣東徭亂、命中國公鄧鎮討之、詔在事紀、二十八年、命將討平廣東譚源諸峒、三十一年、西山徭人盤窮腸為暴、官兵擄其巢穴、設立徭首統領撫徭甲、搃每歲來朝、賜之鈔幣、自是回面向化、潮州亦有稱酋長者、永樂四年春三月、高州府信宜縣六毫峒下水三山徭首盤貴等朝貢方物、上嘉其慕義、賜齎遣還、仍勅有司免其賦役、自後徭首徭總來朝貢者、皆如之、六月、高州肇慶二府徭首趙第二盤貴來朝、先是化州吏馮原泰陳志寬言、天黃大帽、普連茶峒石

栗諸山獠人素未歸順、今有嚮化之心、遂遣人賁款同原泰等往撫諭之、至是第二等籍其屬二千五百餘戶、凡七千五百餘口來朝、賜鈔幣襲衣、命原泰為瀧水縣丞、志寬為信宜主簿、專撫諸獠、五年冬十一月、雷蠻雷文用等來朝、初潮州府衛平謝輔言、海陽縣鳳凰山諸處禽遁入山谷中、不供徭賦、乞與耆老陳晚往招之、於是雷長雷文用等、凡百四十九戶俱、願渡業、至是輔平、文用等來朝、命各賜鈔三十錠、綵帶表裏紬絹衣一襲、賜輔晚亦如之、六年夏四月甲申、德慶州獠首盤永用來朝、先是州民陳榮、招撫永用等、至是來朝、貢方物、賜鈔幣及紬絹衣、八年二月、德慶州新落山獠首路第二來朝、初令瀧水縣丞馮原泰招諭向化、計戶百六十口、五百餘、至是來朝、賜鈔幣襲衣、十年春二月、信宜縣根竹峒獠首陸仲八等來朝、貢方物、賜衣及鈔、夏六月、世龍水縣丞馮原泰為德慶州判官、

以其善撫諸徭也。十一年春二月庚午，新興縣徭首梁福壽等來朝，犒慶
府學增廣生廩，詔招徭新興縣山峒徭首梁福壽來朝，貢方物。凡招徭人
五十餘戶，以謀為新興典史以撫之，賜福等衣鈔。十三年秋八月丙辰，德
慶州徭首周八十來朝，貢方物，賜衣鈔。十四年冬十一月癸巳，高要縣徭
首周四哥來朝，籍其屬八十七戶，男女二百二十四口，願入版籍供賦役，
賜鈔遣還。十五年夏四月，信宜縣徭首盤龍福等來朝，貢方物，賜鈔幣。冬
十月，化州徭首黃應廣等來朝，貢方物，賜鈔幣。襲衣十七年五月，電白縣
佛子等山徭首黃蒲山等六十人來朝，貢降香等物，賜鈔幣遣還。宣德間，
賜諸徭勅諭數十年間，稍得休息，其作亂則始自正統間。鎮守內臣阮能
因其朝貢多索方物，知其所畏，惟連合狼兵乃與兵部尚書陳汝言交通，
凡上官統領狼家者百端剝削，襲廕必須厚賂。又奏將連官盡數取回，阮

而科道諸臣議以煩擾不便乃止於是寇賊四起十一年龍水瑤賊趙音
與德慶瑤鳳廣山作亂鳳廣山聽撫趙音壯合諸山叛瑤大肆殺掠都
御史馬昂調廣西狼兵及種人直抵瑤巢斬獲甚衆餘黨語見事紀廣東
舊無總兵叅將名目景泰初始設以分捕民瑤寇賊景泰三年左都御史
藍山王綱總督兩廣軍務咸望素重瑤賊聞其至大懼聽撫奏用招撫瑤
老種老人等令其歸崗生理而整兵以防之於是嶺海肅清天順元年四
月龍水瑤賊鳳弟吉作亂攻掠縣治巡撫都御史葉盛討平之先是龍水
縣道遠等山瑤賊鳳廣山恃險為惡官兵莫能制廣山死弟傳其子也襲
父之惡為稱鳳二將軍招集各山賊首瑤蛋編為旗手殺手剽掠鄉村攻
圍城邑殺害人民敵殺官軍燒燬房屋禾倉搶虜牛羊牲畜不可勝計陷
殺指揮等官陳廣聚等官軍至是盛等會調兩廣大軍水陸並進于連灘

五為總營、節制、聯令、督行、都指揮胡英在陽春、魚子水、韓璵在平溪、思慮、新樂、徐昇在鷄骨嶺、韋俊在羅傍水口、各進兵、副總兵歐信、左參將范信、各親督兵、斬菁伐木、開通道、各督力、夾攻、直搗巢穴、各賊累次、近敵、官軍、奮勇、擒斬、首從、賊徒、周弟吉等三百四十五名、戮、黨、各、賊、死、招撫、脅、從、回山住種、及於附近、營堡、添兵固守、而以弟吉等十五名、獻俘于京、即地方始平、秋七月、河源縣徭首梁志山等來朝、貢方物、賜鈔及綵帛、表、褒、永有差、九月、清遠等縣撫徭把總袁珣等來朝、貢方物、賜絹鈔二年、四月、陞肇慶衛指揮使田積為署都指揮僉事、分督屯田、從副總兵翁信、奏也、五月、陽江縣南河都官峒等山徭首彭震等來朝、貢方物、賜綵帛、綉、絹、有差、五月、昌化縣故土官縣丞符應乾弟元春來朝、貢方物、賜綵帛、綉、絹、六月、太傅安遠侯柳壽奏、即令虜寇侵掠邊境、調軍征剿、而涼州莊浪

二處倉儲甚少宜召商中鹽納糧以備戶部議宜允其請納涼州廣儲倉糧者廣東鹽一斗五升納莊浪倉糧者廣東鹽二斗五升秋七月龍川縣徭首陳萬通等陽江縣徭首黃勝雷等高要縣徭首鄧鉞等俱來朝貢方物賜鈔及綵帛表裏有差三年夏四月龍水縣逍遙山徭賊鳳弟佶糾合廣西流賊劫虜人民敵殺官軍巡撫右魚都御史葉盛討平之已而難龍嶺撞賊合廣西流賊攻破開建縣殺知縣等官劫庫而去命副總兵歐信等勦賊六月龍水縣徭賊鳳光山等七人偽稱總管焚毀衙門劫掠鄉村殺虜人財被擒械送至京法司坐凌遲處死之秋七月英德縣徭首夏永安來朝貢方物賜鈔及綵帛表裏等物有差秋七月己巳翁源縣撫徭總全善清等來朝貢方物賜鈔帛有差四年秋九月壬寅翁源縣撫徭頭盧振成來朝貢方物賜鈔帛有差成化初徭賊犯雷州官軍不能禦會

僉都御史韓雍至思威並著、徭人畏服、郡縣賴之以安、後五秋調法、用狼
兵、雕、獠、肇慶、自羅旁、綠水至懷集、高州、自西山、茂名、石城至鬱林、欽廉等
州、以及廣西山賊、皆豫先哨探其巢穴、及出剽道路、而又移檄嚴督守巡
及叅將把總守備等官、時加訓練、兵快防守要害、賊或出沒、即時雕、獠或
搗其巢穴、或截其歸路、俾出無所得、入無所歸、策至良也、雍去、法廢、迄弘
治以後、賊益猖獗、至正德初、則狼兵亦不聽調矣、督府吳鎮守總兵凌多
貪賄、狼兵每遇調、輒以賂免、田州土官岑猛每怒且歎之曰、三堂正如三
隻狗、以片肉投之、即去矣、吾何憚焉、今之狼兵、非凌王韓之時矣、有警則
用、打手禦之、又支給不貲、屯膏吝賞、亦為益、正德七年、分巡嶺西道僉事
汪鏞督兵進討、以石綠、撞子為向導、撞潛與猛謀、引入深險、被傷甚衆、始
知為其所賣、自是不敢言用兵矣、正德十年、白飯坑、耽板嶺等徭、截路殺

人剽財、知縣黃寬率鄉夫討滅之。始通人行。十六年、封川開建、賀縣、猛亂。提督都御史蕭紳、總鎮太監王堂、總兵官撫寧侯朱祺討平之。先是、封川縣石硯大和雞峒山、猛僞古子盤古義、糾合開建縣大王、小王、大臺、賀縣、洞金上峒、下峒山、猛、大肆流剽、殺虜人、毒敵傷官軍。至是、紳等調集漢達官軍土兵一萬三百、十員名、分大哨、中哨、副總兵張祐、副使張祐、左哨、左叅將趙丞序、左叅政章拯、僉事陳綱、右哨、都指揮卜玉許英、僉事楊必進、分道討之。俘斬六百一十九名、顆。地方始平。嘉靖三年四月、叅政羅僑榜示禍福、招出猛目梁烏皮等三百餘家、沒業。七年、分巡僉事李香臨縣、招出投猛二千餘人、還新興、陽江、新會、各處沒業。邑賴以安。八年、封川石硯等山、猛亂。提督兵部右侍郎兼右叅都御史林富、總鎮太監張賜、總兵咸寧侯鵠討平之。先是、石硯都羅雞峒、勅根、廖崗、都泥、歸源山、賊首盤古

子侯弟晚等恃險負固荼毒生靈地方受害至是富等議遣副總兵張珣督調漢達官軍土兵執古子等誅之九年石硯衝藤峽七都板塘古雅古風蠻弗靖總督兵部侍郎兼都御史林雷討平之廣西桂林之七都板塘邊山平樂之府江樊家屯梧州之東安長行潯州之新藤峽龍山柳慶之古雅古風荔枝三都廣東肇慶之西山羅旁綠水石硯廣州之會寧白水長塘等處俱係稔惡賊巢先是有事思田未暇加兵以致前賊猖獗肆行掠掠哨捕官司報警不絕至是富會同總鎮太監張賜總兵官咸寧侯仇鸞行委副總兵張祐勒石硯寨將張經勒斷藤峽副總兵李璋勒七都板塘寨將沈希儀勒古雅古風共俘賊首虜千有餘級餘黨俱畏威聽撫寇志暫息疏聞賜金帛有差十年賊首趙林花黎廣雄等一千七百餘伙攻陷高州提督都御史陶諱同總兵仇鸞請兵七萬分部督進誓師於正

月十五日奏凱於四月十五日築穴巡掃種類無遺而又實以良民一千
餘家田賦一百三十九頃九十一畝餘搖田雲廉山田 稅米一十石
一斗五升 黎崗山田 稅米二十石七斗 北河崗田 稅米一十石
二斗五升 黎湧峒田 稅米九石二斗九升 通根山田 稅米三石
四斗 霖削山田 稅米五石三斗三升 增城瓦寨田 稅米二十七
石八斗 那刀渡崗高嶺南埔等田 稅米一十六石四斗三升 那位
那到那林雙敢田 稅米一十七石 大龍崗田 稅米十三石七斗
下渡田 稅米六石七斗八升 吊澗東水山田 稅米七石三斗五升
古牛田 稅米一十七石 中療山田 稅米八石 湖崗田 稅米
二十六石三斗七升 相思崗田 稅米五石一斗 鉄崗山田 稅米
一十三石五斗 小龍崗田 稅米二石 蒙村崗田 稅米一十五石

合水崗田 稅米十石 木欄山謝腮崗田 稅米一十一石五斗

唐迺崗田 稅米五石 謝存崗田 稅米二石八斗四升 雙窖崗田

稅米十石五斗 千歲崗田 稅米二十六石二斗七升 許容崗田

稅米九石五斗 毋崗田 稅米二十三石五斗一升 寨脚崗田

稅米八石七斗九升 旱崗田 稅米十石 峒尾崗田 稅米六石

那銅腰蒙崗田 稅米五石八斗 那寧崗田 稅米五石一斗 山仔

龍崗田 稅米八石 黃福大小水茶場崗田 稅米六石四斗五升

西岸崗田 稅米八石三斗 上瀧田 稅米二十四石六斗 小水大

菊陳村崗田 稅米八石四斗四升 大逆崗田 稅米三石 石橋崗

田 稅米四石二斗二十四年封川徭民亂提督右都御史張岳總兵平

江伯陳圭討平之封川縣歸仁文德二鄉大滑腦洪秋南吉大貨黑石麒

麟白馬蓮花等寨山徑多岐崖洞延袤深林疊嶂窮險莫測自古為強種所居至是賊首蘇公樂張公益李公請陳公黨左公珠聚眾為亂時出鄉村攻剽岳等調集溪連官軍土兵四萬八千六百餘名分為左右二大哨勅之俘斬二千五百餘名額二十七年提督軍務都御史歐陽必進嚴山禁照得國家通山之禁法制甚嚴今查各處報到賊情皆係鄉村奸民為之倡率嚮導又各賊盔甲器械俱各齊備究其所自皆由營堡官軍與地方人等縱容奸民與之往來通同分利如上年肇慶府蘇祥之事是也又有招主相信隱匿官廩透引奸商為之影射又有守土掌印巡捕守隘等官假以饋送上司名色取討貨物或以賄理衙門為由濫派竹木如此則山禁安得不疎徭人安得不肆若使守土巡捕官知嚴禁地方哨守巡司官知嚴禁軍兵無一奸民敢與相通魚鹽布貨之利非聽撫者不得相濟